

# *INSHILA YAKWA LESA*

## *IYAPELWA IYA BUNO BUSHIKU*



...pakashita fye ilyo tulekontamika imitwe yesu.

Taata wesu Uwa mu Muulu, tule Mutotela pali Yesu Kristu, ubulayo Bwakwe ubukalamba ubo Apela kuli ifwe. Twa Mutotela pali ifi fyonge fintu. Tuli pesamba lya fyakucetekela ifikalamba muno muli uno musumba pakati ka aba abasuma abena Kristu. Tulesubila Ukumumona ukwenda mukati kesu ukulangisha ukubapo Kwakwe, ukupela abantu icicetekelo, ukubaputamo ukucetekela. Uyo e mulimo tubelele pano, Taata. Natwishiha kuti twa Mucetekela. Tatwakapapushiwe. Pantu twacilombela mwi Shina Lyakwe. Ameni.

Kuti mwaikalako.

Naciba uwa nsansa nganshi muno lucelo ukukwata ici cakulya ca lucelo neli bumba ilisuma ilya bakapyunga muno mu musumba. Kibili eico ifwe... Ndetontonkanya ba—ba munyina balyambula pali cena nga umo muntu kuti afwaile cena. Inshita ya musango filya iye senge ilyo twakwete. Kibili nomba, muno bushiku ninshita yesu iya bushiku iya cibili, ukwisa fye ukutwalilila. Eico nomba, ifwe tulesubila ukutila Shikulu ali no kumupala imwe mu fyapulishamo fyonge.

Ndecetekela Ndeolesha pa munandi umusuma, Misisi. Upshaw, uwikele muno, Nkashi Upshaw. Shikulu akupale. Ndeibukisha Munyina Willie Upshaw. Nalikwete inkalata ukufuma kuli ena ubushiku bumbi necikope cakwa Munyina Willie, Uwa mung'anda yamafunde. Eico, ena—ena ali uwalemana pa myaka imo amakumi mutanda na mutanda.

Nali mukulongana ubushiku bumo, namwene icimonwa pali ena, naikala, ukuya ndepita mucintubwingi, ne nsuti yakwe, nakontama. Aali mucicinga ne nkonto, nge fyo imwe bonse mwamwishiha ena, kibili Shikulu Yesu amulengete ukuba umutuntulu ilya ine nshita ya bushiku. Kibili alikwete icicetekelo mpaka nokufwa kwakwe.

Tuleumfwa abacindikwa, muno bushiku, pali mukamfwilwa wakwe ukwikala muno. Bushe ena ali nemyaka inga ilyo aile mukumona Shikulu? Bushe ali ne myaka inga? [Nkashi Upshaw aasuka—Kale.] Aikele ukuba ne myaka amakumi cine konse konse na mutanda. [Nkashi Upshaw apelo bunte bwa kufwa kwakwe.] Aile ku Muulu mukuba na... Tuletasha pa bantu abakalamba, impuka ishikalamba isha cicetekelo.

Nomba, muno bushiku, cili, tatulefwaya ukumisunga inshita iitali. Twali misungile ama miniti ikumi ukucila pa nshita yapelwa icungulo bushiku cashalikisheko, ama miniti amakumi yabili ukufika teni. Ilingi line tulafuma pa naini sate. Nalaesha ukubombela pali cilya muno bushiku. Nali... Nimpilibuka ukufuma ku mbila shandi isha busesemo isho Nshimikila mu fiputulwa ifya lekana lekana ifya calo, ku kulongana kwakusabankanya imbila nsuma nakabili. Kabilo pali shilya imbila sha busesemo, ifwe kuti twatwalilila fye ukuya pantanshi na pantanshi. Kabilo nomba ukuciputulafye cena, cena caliba nge cakosako, kabilo cena cilapilibula u—ubupyungishi bonse capamo.

Kabilo umulandu Ndecitila ici: pantu ubushiku bumo, ukwisa ukufuma ku Canada, pamulufye apa mu Montana, kumaca ulucelo lumo, Shikulu Yesu... Ninjishiba cileumfwika iceni, lelo Nale enda muli motoka, kabilo icintu cimo cacebwile amano yandi. Naumfwile i Shiwi, palwalala fye ngefyo muleumfwa iyandi, ukusosa ukutila, "Ishina lyobe lyalilembwa pali lulya ulupili." Kabilo Naloleshe, nelyo twaiminine, Billy na Ine, Shikulu Yesu atile, "Bweelenimo nomba, no kutendeka mukusabankanya kwa mbila nsuma nge fyo mwacitile."

Emulandu Mbelele pano muno bushiku, pantu kubwelelamo nakabili ukupepelako abalwele. Kuli iyashi ilitali kuli cena, kabilo Ndi uwashininkisha imwe mwebantu ba pali tepu kuno, abomfwa ama tepu yesu, mwalishiba pelyashi. Ndi pano ku kupepelako abalwele nakabili. Mwaliba ifyabupe ifingi ifikalamba muli Lesa. Lesa kuti abomfyia ifili fyonse pali fyena ifyo Engatemwa nga kuti twamuleka fye Ena ukuficita. Ena ni Shikulu Lesa.

Kabilo nomba, Ndeesha ukukana... ukutaluka ku kubika indipi pa bantu nga kuti Nataluka ukufuma kuli cena, pantu, kulya, cilemoneka kwati (cilya cili fye bwino), lelo cilemoneka kwati umuntu umo, kuti aundapwa, batila, "Ukuba, *Wakutina-wakuti* abikile indipi pali ine." Mwamona? Na—Nalitemwa ukumimona imwe ukubika fye indipi pali Ena, pali Kristu.

Ipange lyandi lyaba, ifwe bonse twalishiba ku Malembo, ukutila ukundapwa kwa Bulesa kwalicingililwa kale ku wacetekela onse. Cena ciputulwa—cena ciputulwa cakucula kwakwa Yesu: "Ena alashilwe pa mampulu yesu, mu filaso Fyakwe emo twaundapilwe. Nge fyo Mose aimishe insoka ya mukuba mu matololo, efyo no Mwana wa muntu alingile ukwimishishiwa." Mulandu umo wine.

Kabilo cilya ecali icipasho, Kristu ecipasho. Elyo kabilo nga—nga icikonsolwelo cakale caleta ubundapishi, kuti caba icapulamo shani icipyga, ico icakwata ifintu ifisuma, ukuleta ubundapishi bwa Bulesa.

Nomba, Yesu alimishiwe pa mulandu umo wine ue insoka ya mukuba yaimishiwepo (Alengelwe ukuba ulubembu): pantu, insoka yapangilwe ukufuma ku mukuba, kibili *umukuba* waba “icilangililo ca bupingushi bwa bulesa”; kibili *insoka*, ukulangisha “icitipu ca nsoka” ukufuma mwibala ly a Edeni, umo ulubembu na malwele fyaingile.

Kibili Yesu tekuti... Takuli nangu umo uwingashimikila Yesu Kristu nge cikonsolwelo ukwabula ukushimikila ubundapishi bwa Bulesa. Takuli nangu umo uwingashimikila i Mbila nsuma ukwabula ukushimikila ubundapishi bwa bu Lesa. Pantu, mwamona, imwe teti... ena nga... tamulingile ukukwata ifintu fimo. Kwati nge nama naikwikata, iwe taufwile ukuputulakofye ulukasa lwaiko, nangu ukuputulako ukuboko kwaiko-kwaiko nangu fyonse ifyo ikwete ukukushinguluka. Kuipayafye fye ku mutwe kibili ninshi waikata.

Kibili ulya e musango Yesu acitilemo ilyo Ena—ilyo Ena awfile pa lubembu: Aipeye ifintu fyonse ifyo ulubembu lwatalile ukucita, Ena alitulubwile umupwilapo. Ifwe nomba tulepoka a—amalipilo ukufuma ku mukalamba wesu... indalamsha cikatilo isha kulubulwa kwesu ukwapwililika pa kwisa Kwakwe nakabili.

Eico, mulemona, ubulwele mukulungatana bu—bulengwa no lubembu. Umuntu umo alibembwike. Takwali amalwele mpaka kwali ulubembu. Kibili ilyo ulubembu lwaingilemo, ubulwele bwa lukonkele. Amalwele mubele wa lubembu. Kibili nomba, ilyo Aipeye ulubembu, cena casendele shonse imibele pamo na cena. Mwamona, cena calingile ukucita.

Nomba, twalabelenga muno bushiku icipandwa ce Lembo.

Ndi mucituntulu uwa nsansa ukukwata, kunuma yandi kuno muno bushiku, ibumba lyandi ilisuma ilya ba bwananyina abo abaciba kuli kulya ukulongana muno lucelo, no kusanga, ukumona Munyina Shakarian kunuma kulya, pamo, kibili abengi pabanandi, abengi pali bena. Ndi uwansansa nganshi ukuba na imwe mweba bwananyina muno bushiku. Mpepeleniko nomba, nga kuti mwacita.

Nomba, lekeni tupilibwile mu Malembo, pa mashiwi fye ayanono, Shikulu nga asuminisha.

<sup>2</sup> Kibili ibukisheni, mailo munshita ubushiku, kupepelako abalwele nakabili. Kibili nomba ilyo Ndelanda... Mukutike, umuntu onse eshe ukucita ici, mwilolela icintu icili conse ukucitika. Icintu ico imwe mulingile ukucita, ku cetekela Lesa ino ine nshita. Cetekeleni Ena ino ine nshita! Mwamona?

<sup>3</sup> Nomba kwaliba imisango yonse iya bupyungishi. Lesa, muli ishi nshiku shakulekelesha, Ndecetekela, alitupela ifintu fyonse ifyo Akwata mwi Buuku Lyakwe. Ifintu fyonse ifyo Alaya, twalimona, kibili cicili cilemoneka kwati abantu tekuti bacumfwe cena. Abo abalashikwa ukucumfwa cena, bali

nokucumfwa; ni abofye. Cena cipofwisha umo; cisula amenso ya umbi.

<sup>4</sup> Ibukisheni, twalicetekela ukutila Yesu Kristu aba cimo cine mailo, ileelo, no muyayaya. Ena tafwa, lelo uwa mweo umuyayaya. Kibili Ena ali pano muno bushiku. Ifwe tul mu Mukubapo Kwakwe, muno bushiku, kibili Ali pano mukushininkisha no kupanga bwino ubulayo ubuli bonse ubo Ena apangile kuli buno bushiku. Kibili Ena aba cimo cine mailo, ileelo, no muyayaya. Eico, icintu icili conse ico Ena aali, Ena efyo ali, muno bushiku. Eico lekeni tucetekele Ena nomba, ilyo tulebelenga i Cebo Cakwe no kulanda pali Ena, pa yalakonkapo ama miniti ikumi limo na fisano, amakumi yabili.

<sup>5</sup> Ukutendeka, chapitala 22, kibili na versi ya 7 na 8, mumusango wakubulilamo umutwe.

*Kibili Isaki atile kuli Abrahamu wishi, kibili atile,  
Taata: na ena atile, Epo Ndi pano, we mwana wandi.  
Kibili atile, Moneni umulilo ne nkuni: lelo umwana wa  
mpanga alikwi uwe lambo-lyakoca?*

*Kibili Abrahamu atile, we mwana Wandi, Lesa  
aleipela umwine umwana wa mpanga uwe lambo  
lyakoca: eico bena baile bonse capamo.*

<sup>6</sup> Shikulu Yesu, paleni i Cebo Cenu, lekeni Cibwelelamo ibusha, lelo lekeni imbuto shiponene pa mushili uyo uli no kuleta ipusukilo kuli abo abali mukukabila, fyonse fibili ku mubili na ku mupashi. Twaijela fwebene kuli Imwe; ulukuta, icintu bwingi, i Cebo, umutwe we lyashi, isambililo. Lekeni u Mupashi wa Mushilo usende intanshi pa mibili yesu, ukuti ifwe tumone Yesu Kristu. Ameni.

<sup>7</sup> Ndefwaya ukulanda pa ma miniti fye ayanono ayalakonkapo nomba pali: *Inshila Yakwa Lesa Iyapelwa Iya Buno Bushiku.*

<sup>8</sup> Lesa Lyonse alikwata inshila. Kwaba inshila shibili, isho shaba, inshila shesu nangu inshila Shakwe. Lesa alikwata inshila ya buno bushiku, pantu Ena Lyonse alapanga inshila pa fintu fyonse. Lesa, pa kutendeka, alishibe impela, eico Ena alibika Amalembo Yakwe pali cila nkulo. Kibili ilya inkulo, ilyo yena yaisa fika... Nomba mwifilwa ukumona ici. Ilya inkulo, ilyo yafika, ilingi line ubupyungishi bwaliba ubwasakanishiwa nganshi mu fyaku cetekelamo, kibili na fimbipo, ne ntambi, mpaka caba ba mailoshi millioni umo ukataluka ukufuma ku Cebo.

<sup>9</sup> Kibili nomba Lesa Lyonse alatuma umuntu umo pancende, kasesema. Kibili uyu kasesema... Lesa tatala cinja imibombele Yakwe. Ena tatala cinja inshila Shakwe. Ena Lyonse acicita mu musango umo wine. Ena Lyonse efyo acita; Ena afwile acicita muli ino nshita. Kibili, ukupitila muli ici, Lesa alabomba no kushininkisha cilya Cebo. Nge fyo nalandile kuli imwe mailo ubushiku, Lesa ukubomba ubwilulo Bwakwe umwine. Lesa

takabila nangu umo ukwilula i Cebo kuli Ena. Alailwila Cena Umwine, pa kucishininkisha Cena, ukucilenga Cena ukuba icituntulu. Kibili ilyo Lesa alanda ukuti Ali no kucita icintu cimo, elyo Ena acicita, takuli ilipusho na limbi kuli cena. Ulya e musango Ena acicitilamo.

<sup>10</sup> Eico Lesa natupangila inshila. Lesa alitemwa abana Bakwe. Ena alitemwa abantu Bakwe. Ena alefwaya ukubafwilisha. Ena alafwaya ukukwafwilisha ukucila pafyo iwe ufwaya ubwafwilisho. Nga kuti mwasesenda fye cilya mu mutima wenu, ukutila Lesa alefwaya ukumwafwilisha imwe ukucila ifyo muli nokuyafwilisha mwebene. Lelo Ena alikwata inshila, kibili ulya e musango fye weka ue Ena ali no kubomba cena kupitila mu nshila Yakwe. Imwe mulingile ukwisa ku butantiko Bwakwe, te butantiko bwenu. Ubutantiko bwakwe! Imwe mulecifwaya munshila imo, lelo Ena—Ena apela cena kuli imwe munshila Yakwe.

<sup>11</sup> Kwati ni Naamani ukusamba mu—mu—mu menshi yamu Yordani. Mulandu nshi, atile amenshi mu calo cakwe ya busaka nganshi kibili ayawamishapo, lelo filya tefyo kasesema alandile. “Ibila apa.” Aibile umuku umo, ifibashi fici palya; imiku mutanda, fyena epofyali palya. Alingile ukunakila nokwissa munshila yakwa Lesa. Kibili ilyo Anakile mukupwililika inshila yakwa Lesa, ifibashi fyalifuminepo.

<sup>12</sup> Kibili Ndesosa, muno bushiku, ukutila nga twanakila inshila iyapelwa na Lesa, ifibashi fili no kufumapo, amalwele yakafumapo, fyonse ifintu fikafumapo, lelo tulingile ukwisa munshila Yakwe iya buno bushiku. Nomba, ukusamba mu Yordani teti kucite icisuma nangu cimo nomba; cilya cali cakwa Naamani. Ifunde lyali lyu ku ba—ku ba Yuda. Ukusenamina ni kuli Kristu.

<sup>13</sup> Lelo cila nkulo yalikwata iciputulwa ca iko ica Mbila nsuma iyalandilwa kalibela. Iyi Baibele e busokololo ubwapwililika ubwakwa Yesu Kristu. Tekuti kube nafimbi ukulundwako kuli Cena, nangu icintu icili conse ukufumishiwa kuli Cena; umuntu uyo uucita cilya alitipwa. Teti tulundeko icintu nangu cimo kuli Cena, ukufumyako nangu cimo kuli Cena. Ifwe tulingile ukulolesha Muno no kumona ico calaiwa kuli ino nkulo, elyo kabilu ukucimona cena ukucitika. Ulya ni Lesa ukwilula i Cebo Cakwe Umwine. Ilyo Casosele, “Nacisungu akemita,” alicitile. Ubo ebupilibulo bwakwa Lesa ubwa Ciko. Ifyo Ena alaya, efyo Ena acita.

<sup>14</sup> Nomba twamona ukuti Lesa tacinja imibombele Yakwe iya kucitilamo ifintu. Ena lyonse acicitafye cimo cine. Ifwe tulatwalilila ukucinja pantu ifwe twalikwata apakupelela. Tulapanga imisango yonse iyafilubo, kibili kuti twawamya nokuba bwino. Lelo Lesa takwata impela. Ubupingushi bwakwe ubwa ntanshi bwaba ubwapwililika inshita fye yonse. Tekuti

abe uwacenjela ukucilapo. Ali ni . . . Entulo ya mano yonse. Ena e mano yonse. Ena aba amaka yonse, uwamaka yonse, uwaba konse konse, uwaishiba fyonse, kibili uushawkwata impela. Eico kanshi, ilyo Alanda icintu icili conse, kukoba umweo wenu pali Cena, pantu cena cishinka.

<sup>15</sup> Nomba ama chalichi yamo yalalande, “Kabili ifwe tatwacetekekela *Ici*, kabili ifwe twalicetekela *cilya*.” Lesa takatale apingula i—isonde kwi chalichi. Ena alipingula ukupitila muli Yesu Kristu, kabili Yesu e Cebo. Ena akapingula ichalichi ku Cebo.

<sup>16</sup> Kabili nga cakutila *Ubu e busokololo bwakwa* Yesu Kristu ubwa nkulo shonse, kibili ubwa ino nkulo, Ena alisokolola muli iyi Baibebe ifyo Akacita muli ino nkulo; kabili ilyo twamona Cena ukucicita, ilyo twamumona Ena ukucita ifyo Alaile ukucita. Te kufyala kwakwa nacisungu; cilya cali imyaka amakana yabili iyapitapo. Lelo ifyo Alaile ukucita ileelo, ifyo Asosele ukuti Akacita ileelo, ifyo efyo Aba ileelo.

<sup>17</sup> Inshita ishingi, abantu batila, “Ukuba, Nshacetekela *Cilya*.” Ukuba, walikwata kelula wakwa Efa nakabili; cisenda fye iciputulwa muli Cena, lelo te conse Cena.

<sup>18</sup> Eico ifwe tulefwaya ukwibukisha ukutila Lesa lyonse aba cimo cine. Cebo Cakwe, kabili ifyo Ena asosa, Ali no kuficita.

<sup>19</sup> Ukulangisha ukutila Tapilibuka. Mu Kutendeka 1, Atile, “Lekeni ulubuto lonse lutwale imibebe ya luko. Lekeni ulubuto lonse lutwale imibebe ya luko.” Kabili palya pene, ifwe twauma icintu cimo palya pene ico cafumyapo fyonse ifyakucinja ifyakuya munshita. Imwe teti mufyalulule ifintu. Mwabula nga kabalwe na—na . . . na—na punda, ukufisakanya pamo, imwe mwalakwata impongolo, lelo impongolo tekuti ifyale nakabili no kukwata impongolo imbi. Cilekela palya pene. “Ulubuto lonse ulwa mibebe ya luko.” Bena kuti bapanga ukufyalana, lelo cena cilaicinja icine palwaciko nakabili, cilelangisha cena ukutila teti cipilibulwe muli uyo musango. Iyo, mukwai. Cilekela palya pene. Imwe kuti mwasakanya spinachi ne cintu cimbi, capamo, kabili nokupangamo kale, lelo teti musakanye ukubweseshapo cilya nakabili. Iyo, mukwai. Imwe kuti mwapanga amataba ayasananishiwa; lelo nga mwabyala yalya amataba ayasananishiwa nakabili, imwe teti mukwate nangu cimo. Imwe mulingile ukucisakanya cena cila nshita. Pantu, Lesa atile, “Lekeni ulubuto lonse lutwale umusango waluko.”

<sup>20</sup> Kabili nomba, mukusakanya ifintu, lolesheni ico isonde li iposelemo ileelo. Nalebelenga ilyashi pano, ukufuma muli *Reader's Digest*, uko, “Imyaka amakumi yabili ukufuma nomba, abanakashi tabakulakwata abana, nga catwalilila. Bena balelya ifyakulya ifyasakanishiwa.” Ico icintu cili, bena balisakanya cena, kabili ilya te nshila umuntu alengelwemo, ukulya ulya

umusango wa fyakulya. Cena capangilwe ukucikumanya mu...nangu ukucilya munshila intu capangilwemo. Uyo emulandu, ileelo, teti basunge inama kibili ifintu fyonse fili mu musango fibebelemo, pa mulandu wakuti fyalisakanishiwa, ifyasakanishiwa, kibili, oh, umusango onse uwa nshila. Cena conse calisakanishiwa. Nacifika ukwakuti bonse ubuntunse buleonaulwa kufyo bwaipangila ubwine bweka, pa kwesha ukusenda icintu cimo ico Lesa apangile icisuma, nokucipilibula ukucilenga ukuba mu nshila imbi, mu nshila yabo abene. Cilekeni cena mumusango Lesa acilengele cena!

<sup>21</sup> Cena nacifika napa ncende apo bena baleesha ukusakanya ama chalichi, ileelo; ukufuma kuku batishiwa ukwine kwine na Mupashi wa Mushilo, ukufika kukuposhanya mu minwe; umusango umo uwakusansa amenshi, ukufika kukubatishiwa kwa mumenshi. Oh, owe! Icintu conse calisakanishiwa. Ifwe tulefwaya ukubwelelamo.

<sup>22</sup> Icilimwa icasakanishiwa, iwe uwfile ukucipampansha cena noku sansako umuti, nokufumyako ifishishi fya bonaushi ne fyamapindo yakosa ukufumyako kuli cena. Lelo icilimwa cya mpomfu icabumi ubusuma; cena calikosa, icamaka, ifishishi fyonaula tafiyako kuli cena. Cena calikwata ifyalinga ifyakutamfishako ifishishi ukufumako.

<sup>23</sup> Kibili ifyo efyaba no mwina Kristu uwacine! Iwe taufwile ukumusunga nga kanya ena nokumupampansha, noku mweba *ici, cilya*, nangu icintu *cimbi*. Ena alikwata icintu cimo muli ena, ulubatisho lwa Mupashi wa Mushilo, ulo ulufumyapo fyonse ifyashala. Taufwile ukumupapatila ena muli fyonse, pantu ena cilimbwa ica cine icakwa Lesa. Ena alikwata icintu cimo muli ena ico icicita ubulwi. Umwina Kristu alwila pa mushili uuli onse apo eminine. Afwile acita ico, ngacakutila ena aleenekela ukubapo. Kibili, mukucita ico, mulabamo Icintu cimo muli ena ico icisakamana ena.

<sup>24</sup> Efa aeseshe ukusakanya i Cebo, kukutendeka. Lesa amwebele ena ukuti, "Ubushiku imwe mukalyako, ubo bushiku imwe mukafwa." Ena aeseshe ukusakanya Cena pamo no kwishiba uko Satana amupele. Kibili lintu ena acitile, alufishe umutundu onse uwa muntunse, palya pene, kuli ciwa, lintu ena aeseshe ukusankanya i Cebo cakwa Lesa icishacinja pamo nokwishiba.

<sup>25</sup> Cena tacafuma kukwishiba kwa Cebo, cena cisa na maka ya Mupashi wa Mushilo! "Te kumaka, kubulamba, lelo ku Mupashi Wandi," efyo Shikulu asosa. Ifyo efyo Lesa acita ico. Lesa i Cebo Cakwe e lubuto ulwa Mweo wa Muyayaya.

<sup>26</sup> Ngacakutila iwe waesha ukucisakanya Cena, cinshi ico iwe wingacita? Iwe uuli nokuipaya we mwine pamo na Cena. Cena tekuti cibombe. Tekuti cena cisakane ukucilapo pa mafuta nangu amenshi ayasakana. Cena teti cicite ico.

<sup>27</sup> Bena tabatala, munshila ili yonse, esha ukusanga icintu cimo ico icaba icawama ukucila inshila ya kwa Lesa iyakucitilamo ico. Imwe namwishiba, bena tabatala abasangapo inshila, iyawama, pa nkoko ukufyalwa muli lino isonde, ukwabula ukusonsobola iine yeka pakufuma mucipapa caiko. Bushe mwalishiba ico? Bena tabatala abasangapo inshila imbi iyawamapo. Akantu kanono kafyalwa pamo nakakosa kanono pampela ya—pampela ya mulomo wakako. Kabili kalya akamulomo kanono kawkata, kakubombelako kabili nokupalilako, ukupalilako kuntanshi nakunuma, mpaka umutwe wakako wafuma, umutwe wakako wafuma, kena kafuma ukwabula ubwafya. Yena ni nshila yakwa Lesa. Iwe ngawakatinta ukufuma mucipapa, kena ninshi wakepaya. Kena tekuti kabe nobumi ngacakutila iwe wakatinta ukufuma mucipapa. Kena kafwile ukwishesila munshila yakwa Lesa iyabikwa.

<sup>28</sup> Ubo bwine ebwafya buli na bena Kristu ileelo. Ifwe kubanakilisha bena, nokuposhanya nabo mumaboku yabo nokubaleta bena mukati mubumfisolo, nokubalunda mu chalichi. Ico bena balekabila lipepo lyakale ilya pa cipailo apo bena bafwile bapepa fyonse fyapwa, mpaka bena baishila palwabo, baishila munshila yakwa Lesa iyabikwa, mpaka baifumya abene kufya mwi sonde. Ubwafya bwaico, ileelo, bena balabika amashina yabo mwi buuku nokubalundako ku chalichi, kabili ifyo efyo caba cena. Lelo inshila yakwa Lesa, inshila yabikwa, yakwikala palya nokubomba ukupwisha, mpaka Lesa akupela Ukufyalwa cilpya cipy. Ico nacilungama bwino bwino. Mutinteni ukufuma ena, cena cili nokumwipaya ena.

<sup>29</sup> Ubo bwine ebwafya, ileelo, pamo na bantu. Ukufyalwa Cipyia cipyia, bonse balabutuka ico. Bena tabatemwa ico. Oh, bapyanishapo icintu cimo pakufyalwa Cipyia cipyia, “besa noku cetekela, kabili ico epelafye eco ufwile ukucita.” Ciwa alacetekela, palwakwe umwine eka, kabili imwe mwalishiba ukutila ena tafyalwa cipyia cipyia. Kwaliba Ukufyalwa Cipyia cipyia. Kwaliba icintu cimo icendela pamo na cena, cena caba kwati kukana linga, ukukana sonda isonde.

<sup>30</sup> Ukufwalwa ukuli konse bwafya. Ine nshilesakamana apo cena cifikile. Ngacakutila muntu mwikal inkumba, nangu—nangu mucipatala. Ukufyalwa kwabwafya.

<sup>31</sup> Eico efyaba nokufyalwa Cipyia cipyia! Kwena kuti kwalenga iwe ukucita ifintu ifyo iwe tawatontonkenyepo nokucita. Kwena kuti kwalenga iwe ukuya palya pa cipailo nokulila, ukubilikisha, ukusamba penti ukufumya pa mpumi yobe, ukwimya amaboko yobe, ukulumbanya Lesa, ukulandila mu ndimi, kabili ne misango yonse iya fintu. Ukufyalwa Cipyia cipyia kuli nokucita ico pantu yena ni nshila yakwa Lesa iyabikwa ukufyalwa cipyia nakabili.

<sup>32</sup> Iwe ufwile ukufwa. Ufwile wafwa ilyo taulati ufyalwe nakabili. Ulubuto lonse lufwile lwafwa ilyo talulati lubwekeshiwe ukuba ulupya nakabili. Kano lwena lwafwa, ngateifyo lwena ninshi kwikalafye iweka. Umuntu afwile afwa kukutontonkanya kwakwe. Ena afwile afwa kukutontonkanya pa cintu icili conse lelo kanofye pa Cebo cakwa Lesa, nokwisa munshila Yakwe. Uyo emushili wakwa Lesa. Tat u mukumanya Ena mumatontonkanyo yesu; ifwe tumukumanya Ena paco Atweba ukucita. Iyo ine enshila yakwa Lesa iyabikwa iya ico. Abantu balaleluka ico; bena tabafwaya ico. Lelo cena ecine, cabafye cimo cine. Cena cili, cili nokuleta imfwa, kabil iwe ufwile wafwa, ukufwa kuku tontonkanya kobe.

<sup>33</sup> “Ukuba, Nalishiba Baibele yalilanda pali ico, lelo Ine teti nkutuluke Cena.” Nomba iwe ikala palya mpaka Lesa asokolola ico. Ico nacilungama. Cena cifwile... Uko ekofyalwa Cipyia cipyia.

<sup>34</sup> Imbata ne fibata mumana, tafyatala afisangapo inshila iyawama iyakuti fyena fyailamo ku Masamba, ukucila ukusamba mukubalilapo. Kabil ico nacilungama. Imwe kuti mwamona fyena fyakolongana pamo nokwisa palwafiko, icintufye cimo icakwebeka cila fileta fyena capamo, kabil filaba capamo no kusamba ilyo tafilepupuka, ilyo tafileya ku Masamba. Cinshi ico cena? Yena ninshita yakupuputulwa, lintu fyena fyonse fyaisa capamo. Bushe mwalitala amumfwapo icakwangala caba ifyo mu mweo wenu, ngokumfwpa pa fibata fya mumumana ukwisa capamo, nangu fyena ifibata? Ine nshaumfwapo icamusango uyo! Kabil fyali kwata... Takwabapo imbi, inshila iyawama kuli fyena ukucita ico.

<sup>35</sup> Imiku iingi, kulya mufimuti fyaku kapinda kakukuso, Ndamona ukutendeka kwakubalilapo ukwa munshita ya mpepo, mu Canada. Ibumba lya fibata ifya fyalilwa mulya mwine muli bemba, fyena tafyafuma namo muli ulya bemba, neci cine icinono tacatala. Kabilic intu cakubalilapo namwishiba, umwela watalala wisa ukufuma ku Kapinda kakukuso. Ici icinono, icili ne cikalamba, cena cafyalwafye intungulushi, cena caya palya pene pakati kacishiba, cafumya nomulomo waciko unono nokwimisha mu mwela, calila imiku iine nangu isano, kabil ne cibata conse mu cishiba kwisafye kuli cena. Kabilic caima ukufuma palya, nokuyafye mukulungatana na Louisiana ngafintu cena cingenda, ukuya ku mabala ya mupunga.

<sup>36</sup> Mulandu nshi? Bena tabatala sangapo inshila iyawama kuli cena ukufika kulya. Iwe tekuti ufikumbile pamo. Iwe wafibika muli kasalanga no... nokukupikapo, nokufitwala fyena kulya. Cilya icibata calikwata amano ayasuma ukucila cilya. Kabil iwe wacikupikila, pakucitwala cena kulya, cena cileshiba ukutila ciletwalwa muncende yakwipailamo. Ico nacilungama bwino bwino. Cena ciya munshila yabikwa iya kwa Lesa.

<sup>37</sup> Iyo enshila umuntu afwile ukucitilamo ileelo, tekucemwa ukutwalwamo nokukupikilwa kwa cilonganino. Lelo ukuyamo ne nshila Lesa alanda ukwingililamo, ukupitila mu lubatisho lwa Mupashi wa Mushilo kabili nokufyalwa Cipyap cipyap, ukwingila mukupuputulwa ukwingi. Temukuyampanya ku chalichi, ukulafwaya abantu umwinshi no mwinshi, nokulapishamo ama magazine; lelo Kufwalwa, ukufyalwa cipyap cipyap nakabili, ukwisulamo na Mupashi wa Mushilo, inshila yakwa Lesa, ukuifumya umwine palwakwe kwi sonde. Nacilungama! Ukucetekela i Cebo cakwa Lesa! Inshita naifika pano. Ico eco ifwe tufwile ukucetekela.

<sup>38</sup> Umuntu, iwe tekuti...Ine nshilesakamana imiku inga intu umuntu engesha ukuya kuli cilya icibata mucishima mulya nokutila, "Nomba loleleniko panono, imwe mwe fibata finono, ninkwata ifintu fimo ifyakulanda kuli imwe. Ifwe natukwata icibata cimo ica sambilila pano. Cena cawkata Ph.D. na LL.D. Ine ndemweba, Cena kuti camitungulula imwe."

<sup>39</sup> Fyena ifibata fyalikwata amano ayasuma ukucila pali cilya. Ee, mukwai. Fyena tafisakamana palwa masambililo yaciko ayasuma, naconse ifyo cingaba. Fyena kuti fyalanda ukulila cena capela. Cena cifyalilwa camumubili. Oh, owe! Ichalichi cifwile caishiba apakalamba palwa Cebo cakwa Lesa!

<sup>40</sup> Cena ciunda cimo icishaishibikwa. Baibele yalandia ukuti, Paulo atile, "Ngacakutila impenga lyapela iciunda cimo cishaishibikwa, ninani uwingsaipekanya palwakwe ukuya kubulwi?" Ico nacilungama, ngacakutila ichalichi—ngacakutila ichalichi capela iciunda icishaishibikwa "icakuyampanya."

<sup>41</sup> Lesa atile, "Kufyalwa!" Ifyo Ukufyalwa kwa citile kulya, Ukufyalwa kulecita icintu cimo cine naleelo, pantu Yesu Kristu aba cimo cine mailo, ileelo, no muyayaya. Ifyo aali lilya, Ena efyo Ali ileelo. Ifyo bacitile lilya, cintu cimo cine tulecita ne leelo. Umusango bacikwatilemo Cena kulya, cintu cimo cine balecitilamo ne leelo. Umusango bacikwatilemo Cena kulya, cintu cimo cine balecitilamo ne leelo, eco bakwete nakunuma kulya. Ngacakuti Cena kwaba ukubwela, Cena kubwela muli ulya musango. Iyo ine enshila, inshila yakwa Lesa iyabikwa. Yena tayatala aicinjapo.

<sup>42</sup> Ifibata tafyatatala aficinjapo. Fyena mukupwililika fyendela pamo mwibumba, cila mwaka, filaya ku kapinda kakukuso, kumasamba. na munshila yonse.

<sup>43</sup> Iyo ine enshila iyo Lesa acitilamo. Ena atuma i Cebo Cakwe pa nshita, ilya ine inshita, nomba Cena elyo casokoloka. Kabili Ine nshisakamana fintu finga fimbii ifyo ifitwalililapo; lintu bena bamona i Cebo cakwa Lesa ico alaya ica ubo bushiku, cileshininkishiwa nobu layo, takuli nangu cimo icili nokulesha fyena. "Na cisungu akemita." Kabili lintu bena batile...

<sup>44</sup> “Shikulu Lesa wesu akemya Kasesema uwalingana naine,” Mose efyo alandile.

<sup>45</sup> Kibili lintu bena bamwene uyu Muntu aisa nokucita ifintu Ena acitile, bena balishibe ukuti ulya aali ni Messiya. Lintu Filipo amwene cilya cacitwa, atile, “Niwe Kristu. Niwe iMfumu yabena Israeli.” Ena alishibe ico pantu i Cebo ecalaille ico, kibili cena caikelle muli bulya bushiku. Temulandu nibanga aba Faliseo, aba Saduke, abaiminine palya, ba Dokota ba Mupashi, cena tacamuleseshe ena nangu panono, pantu ena alelolesha pali cilya cishibilo. Lintu ena amwene cena cacitwa, cilya eco bena baleloleshako. Cilya eco bena baleloleshako, inshila yakwa Lesa iyabikwa. Ee, mukwai.

<sup>46</sup> Nomba teti iwe upele icibata, amasambilo. Cena teti cicite ico. Cena teti cifwaye ico. Ne fibata fimbii ifyashalako tekuti fumukonke, temulandu nobwingi bwama digri yantu cingalandia ukuti eyo cawkwata. “Nomba, lolesheni kuno, Ine naliya kwisukuulu lya fibata. Nalishiba fyonse palwa lyena. Nalipwisha nalipelwa ne cipepala. Ine nalishiba ifintu fyonse.” Cena teti cimucitile napanono icisuma. Nangu fibata fimbii tekuti fumukonke, ameni, pantu balefwaya icishibilo cimo. Nga cakutti bamona ico icishibilo, bacacetekela.

<sup>47</sup> Ngacakutila icibata nacikwata inshila yakwishibilamo ico, ngapa mwina Kristu uwafyalwa cipyap cipyap kuti caba shani? Ifwe tufwile ukwishiba Yesu Kristu mumaka ya kubuka Kwakwe. Nacilungama. Lesa acitila ico munshila intu ena Lesa abika.

<sup>48</sup> Ibukisheni, amasambililo tayafwile ukuba icibombelo caku batungulula ku ncende iyo Lesa abika. Icibombelo fyena fyakwata myumfwile yamu mubili. Kibili fyena, fyena ifibata, fyalishiba ukuti ilya mibele yaba mu mubili eili nokufitwala ku ncende yakwa Lesa iyapelwa.

<sup>49</sup> Efyo na Mupashi wa Mushilo asenda i Chalichi ku ncende iyapelwa na Lesa. Tekuilunda kwi chalichi, lelo ku kwisushiwa no Kubapo Kwakwe, ukumona i Cebo Cakwe ukulengwa ukumonekela, ukushininkishiwa. Ilya ni nshila yakwa Lesa iyapelwa kwi chalichi, inshita yonse, ku bantu, ku kubaleta ku ncende iyo Lesa apela kuli bena. Cilya ni filya fine ifyo ichalichi cilingile ukuba ileelo. Nomba, twalishiba cilya cishinka.

<sup>50</sup> Takwaba inshila iyabapo iyakwa... Tabatala sangapo inshila iyabapo iya kanya ukupoka ico kalefwaya ukucila pa kulilila cena. Nga mwamupela inyenjele, no kusosa ukutila, “Junior, uli fye ne nshiku shitatu ishakufyalwa, lelo nomba ilyo ulefwaya ukucita, Ilyo ulefwaya ibotolo lyobe, uleimya iyi mbelu nokuilisha,” umone nga cilebombeka. Tacibomba. Akanya kalalila pafyo kalefwaya. Ilya ni nshila yakwa Lesa iyapelwa. Ubukalamba bwakubilikisha wabilikisha... Wilopaula umwana umunono, ena alekonka fye inshila yakwa

Lesa iyapelwa. Alefwaya icintu cimo. Ico cishinka. Enshila fye imo iyo aishiba ukwita nyina; kucibilikishisha, uku cililila. Ico nacilungama.

<sup>51</sup> Lesa alasuminisha ici ku bana Bakwe. Lesa alasuminisha ici ku bana Bakwe abacetekela. Alicitile. Te malyashi aya masambililo, te masambililo ya fya bulesa ayakalamba, amasambililo ya fya bulesa ayakusambilisha. Ena alefwaya imwe ukulilila pafyo mulekabila. Kibili cilya cishinka, bilikisha pali cena! Imwe muli abakosa nganshi kabilis abatalama, imwe tamwakatale cikwata cena. Nga muli abaiteyanya ukuisunga abakosa mwebene panono, no kulila, Lesa ali no kupela cena kuli imwe. Ena alitemwa ukumfwa abana Bakwe ukulila. Lilieni ifya kukabila fyenu kuli Lesa! Lesa alecifwaya cena. Ilya ni nshila Yakwe iyapelwa. Cililileni! Uyo emusango akanya kalililamo; uyo emusango Alefwaya imwe ukulililamo.

“Ukulila ukukokola shani?”

<sup>52</sup> Akanya kakokola ukulila shani? Mpaka kaikuta. Kibili ulya e musango umwina Kristu uwacetekela alingile ukucita, umwana wakwa Lesa. Nga mulemona ukuti Lesa alipela ubulayo, mwicileka cena, lileni mpaka cena casukwe. Lilieni mpaka mumone Lesa ukushininkisha i Cebo Cakwe. Ilyo Lesa ashininkisha i Cebo Cakwe, kibili ashininkisha cena ukuba apa, lyena tamulingile ukulila nakabili; imwe namucikwata, fumenipo noku Mutotela pali cena. Mpaka imwe mwacita cilya, bilikisheni mpaka mucikwate. Nalitemwa ico, ukutwalilila, ukwikatilila.

<sup>53</sup> Te cilimwa icasakanishiwamo, tecilya cimo icakusunga nga akanya nokusunsutila, kibili ukusendwa konse. Abena Kristu fyacishinka, ifituntulu, ifyafyalwa, ifikwatwa fyakwa Lesa. Baliwila icifulo cabo, no kulwa mpaka baapwa pano pesonde. Ukusela konse ukwaciko bulwi.

<sup>54</sup> Lesa aebele Mose ukuti Amupele impanga. Aebele Yoshua, “Icifulo conse apo ulukasa, nangu panshi ya lukasa lobe, wanyanta, ico Ninkupela iwe.” Bena balingile ukulwisha pali inchi yonse iya cilya. Efyo naifwe tulwisha pali inchi yonse iya cena. Tecintu cakupampansha noku sunsuntila, nokushinguluka nga filya, nokutila, “Ükuba, Ndi no kumitwala kulya lubali, no kumona ifyo muletontonkanya pali cena. Mulasosa amatontonkanyo yenu.” Ulya te musango wakwishilamo.

<sup>55</sup> Iseni nobusalo ubwashikimana. Iseni ukuti muli nokwikala palya mpaka capwilika. Ikaleni palya mpaka Lesa aasuka no kushininkisha. Umuntu uyo wacetekela muli Lesa, kuti amona u Kubapo kwakwa Lesa, ukumfwa u Kubapo kwakwa Lesa, ukwishiba u Kubapo kwakwa Lesa, nokwishiba ukutila Ali pano. Ali pano mukwasuka ifintu fyonse ifyo Apangilepo ubulayo muli buno bushiku. Nomba, lila mpaka ucipoke! Ikatilila kuli Ena. Wifumapo, nga ulingile ukwikala akasuba

nobushiku. Lesa talefwaya abana Bakwe ukumfwa ku malyashi ya masambililo. Alefwaya bena ukubilikisha kuli Cena, mpaka ubulayo bwashininkishiwa.

<sup>56</sup> Abrahamu apa alikwete icakukabila ice lambo. Cinshi cacitike? Lesa amupele umwana wa mpaanga. Ilya yali ni nshila yakwa Lesa iyapelwa. Alekabila ilambo, eico Lesa amupele lyena. Panuma, ena aitile icifulo *Yehova-Kapela*, “Shikulu ali no kuipela Umwine ilambo.”

<sup>57</sup> Nomba, Yobo, inshita imo, kasesema umukote, Yobo. Ali ni kasesema. Aingile mu bwafya. Satana alekabila ukumwesha ena, kibili amutobawile ena nefipute. Kibili asendele abana bakwe, asendele ifitekwa fyakwe, asendele fyonse ifyo akwete, kibili ena amutobawile nefipute.

<sup>58</sup> Kibili abakumusansamusha abakwe balishile, cinshi ico bacitile? Tabamupele icintu nangu cimo kano fye ukupumya, balemuseka, ukumweba, “Cinshi, wali bembuka, mubumfisolo.”

<sup>59</sup> Kibili Yobo aikatilile fye. Alibilikishe. Ali uwashininkisha ukuti alekonka amafunde yakwa Lesa. Ena acitile fye filya fine ifyo Lesa alaile ukucita. Ifyo Lesa amulaile, ukuti Ena ali nokwiminina pamo nankwe, pesamba lye lambo-lyakoca, kibili aikele palya.

<sup>60</sup> Eico, Lesa amupele icimonwa. Ena ali ni kasesema. Ni cinshi ico amwene? Ena amwene i Cebo, Yesu Kristu. Atile, “Nalishiba Kalubula wandi wa mweo. Kibili pa nshiku sha kulekelesha, Ena akeminina pe sonde. Nangula imititi ya mu munofu ikonaule yuu mubili, nalyo line mu mubili wandi Nkamona Lesa.” Mwamona, Apele icimonwa ica kubuka kuli ena. Ena ukuba kasesema, amwene i Cebo. Amwene i Cebo kibili alishibe ukutila amafupa yakwe no mubili wakwe fyali no kwima nakabili mu bushiku bwa kulekelesha. Balimwipwishe nga cakuti alishibe uko Lesa aali, nga cakutila kuti amonafye.

<sup>61</sup> Atile, “Iluba lilafwa, lilabuuka nakabili; icimuti cilapona pansi, cilabuuka nakabili; lelo umuntu alambalala pansi nokulekelako umupashi, aloinaika ena, nikwisa kuntu ali? O ukuti Imwe mwingamfisa munshinshi, nokunsunga muncende yankama mpaka ubukali Bwenu bwapita.”

<sup>62</sup> Elyo ifibulukuto fyatendeke ukubuluma, inkuba yatendeke ukubyasha, u Mupashi wakwa Shikulu waishile pali kasesema. Kibili aiminine, nokumona Ukwisa kwakwa Shikulu, kibili abilikishe, “Nalishiba ukutila Kalubula wandi wa mweo, na munshiki sha kulekelesha Akeminina pe sonde. Nangula imititi ya munkanda yaonaula yuu mubili, mu mubili wandi Nkamona Lesa.” Lesa apele i Cebo, Yesu Kristu, kibili ena ali mumwene Ena no kumwita Ena Kalubula wakwe.

<sup>63</sup> Israele alekabila inshila yakufuma mu Egypto, kibili Lesa abapele kasesema, kasesema uwashininkishe i Cebo ico calailwe kuli Abrahamu. Filya finefye, inshila yakwa Lesa iyapelwa!

Bena tabakanshishe umushilika, bena tabacitile *ici*, bena tabacitile *ico*. Icintu fye cimo ico bacitile cali ukulolela inshila yakwa Lesa iyapelwa. Kibili Ena aebele, atile, “Ali no kufumya balya abantu, panuma ya myaka imyanda ine. Abantu bakwe bali nokuba muli bunkole, lelo Ena ali nokubafumya no kuboko ukwa maka. Ena alelangisha ifishibilo Fyakwe ne fisungusho, nokukwata ubukata muli ilye nko.”

<sup>64</sup> Apa paishile umwaume, ilyo balilile kibili ukulila! Kibili nomba ibukisheni, konse ukulila takwa bapokolwele, mpaka ilya nshita yafikilishiwe.

<sup>65</sup> Ifi fintu ifyo tulemona ileelo, tekuti ficitike imyaka amakumi yabili iyapitapo, nangu imyaka amakumi yane iyapitapo. Caba ni leelo ilyo cilecitika. Ino e ora! Ino e nshita! Nomba e nshita cilefikilishiwa. Mulandu nshi? Lesa alicilaile, kibili ici cili apa.

<sup>66</sup> Batile, imyaka umwanda umo iyapitapo, ukuti, “Ulubatisho lwa Mupashi wa Mushilo tekuti kube nakabili.” Batile, imyaka amakumi yasano iyapitapo, “U Mupashi wa Mushilo . . .” Lelo imwe mwe bantu bamu Pentecosti mwali bashinine, ukutila yali ni ora yakwa Lesa ku kupongolola u Mupashi wa Mushilo. Te mulandu ifyo ba Methodisti, Baptisti, Presbyteriani, Lutherani basosele, mwaikelle fye filya fine ne Cebo cakwa Lesa. Abantu abashipa baile kunse kulya no kwikatilila mpaka ulubatisho lwa Mupashi wa Mushilo lwaishile, kibili balandile mu ndimi no kucindika Lesa. Takuli nangu umo uwinka mweba icili conse icapusanako. Lesa alailula Umwine Eka; namucikwata. Imwe limbi teti mukwanishe ukucilondolola, lelo namwishiba ukuti na mucikwata. Nani winga londolola Lesa? Tapali nangu umo uwinka cita ico.

<sup>67</sup> Teti mwebe ifyo Lesa engalangisha icimonwa, lelo Nalishiba ifyo cicitika. Teti mone ifyo Lesa enga cita ifi fintu. Cena te mulimo wandi ukucilondolola cena. Ena aba, ekala eka. Ena ni Elohim, Uyo uwaba uwalinga. Ndi mubomfi Wakwe fye. Ninjishiba Alicilaile, kibili Ninjishiba cili pano. Cilya e cintufye cimo ico Naishiba. Ninjishiba ukutila, ukutila Aba cimo cine mailo, ileelo, no muyayaya. Ninjishiba Alilaile ici, kibili Lesa ali pano ukulenga ubulayo Bwakwe ukuba ubwa cine. Ee. Inshila yakwa Lesa iyapelwa!

<sup>68</sup> Israeli apelwe kasesema, uyo washininkishe i Cebo, kibili bena balifumishiwe. Uyu kasesema, Mose, aikelle pa myaka iingi mumatalolo, imyaka amakumi yane, ukulwishanya naba abantu, ukwesha ukubasunga mpaka engabafisha ku calo ca bulayo. Caishile ku cifulo, ulya mwaume alingile ukufwa; ena ali ne myaka ya kufyalwa umwanda umo na makumi yabili. Takwali icifulo ico alingile ukufwilapo. Ilyo aiteyenye ukufwa, Lesa amupele i Cilibwe; i Cilibwe ico ena apumine mu matololo, i Cilibwe ico calebakonka bena, ico bena banwinemo. Lesa

amupele i Cilibwe, incende ya kufwilapo, umo Mose engafwa imfwa iyacindama.

<sup>69</sup> Pali ici Cilibwe, Lesa, lekeni mfwile pali cilya i Cilibwe cimo cine! Palya epo Ndefwaya ukufwila. Cilya Icilibwe cali ni Kristu Yesu. Ee, mukwai.

<sup>70</sup> Panuma afwa, pali cilya i Cilibwe, alekabila abakwimya icitumbi. Lesa amutumine ibumba lya ba Malaika. Cinshi tacabelele ibumba lya bakalamba bakwe? Pantu takuli nangu umo uwinka mutwala uko aleya, kano ba Malaika. Bena bamutwele mu Kubapo kwakwa Lesa, ena alekabila abakwimya icitumbi kabil Lesa apele cena. Aile munshila yakwa Lesa iyapelwa. Alleluya!

<sup>71</sup> Enock alyendele imyaka imyanda isano na Lesa, kibili ali musekeshe Ena. Aalekabila inshila iyapabuka iyakuya ku Mushi. Lesa amupele cena.

<sup>72</sup> Eliya alitipile Yesebele pa cinsو cakwe icapentwa, kibili umusango wakwe uo alengele abantu bonse ukucita. Kibili ali uwanaka no kufunshika, kibili ali mupepi nokuiteyanya ukuya ku Mushi. Ali umukote sana te kuti ende nangu panono ukuciluka Jordani; Lesa apele inshila kuli ena iyakwabuka Jordani. Alefwaya ukuya ku Muulu, mukukumanya Lesa; Lesa atumine i celeta lya mulilo pansi, na bakabalwe, no kumusenda mu mulu. Inshila yakwa Lesa iyapelwa. Inshila yakwa Lesa iyapelwa. Ena lyonse acicita fye filya fine. Bwino. Ee, mukwai. Lesa alapela inshila, lyonse. Ee.

<sup>73</sup> Abaume bamano, ilyo bali pabulendo bwabo ukufuma ku Babylon, bena balemona inshila balefwaya ukuyamo, pantu balishibe iyi Mfumu yali nokufyalwa. Bena balekabila intunga; Lesa abapele u Lutanda. Bashile fyonse ifyashala kunuma. Tabakabile intunga; bakonkele u Lutanda. Cali ni nshila yakwa Lesa iyapelwa. Lesa apele inshila, bakonkele u Lutanda mpaka basangile u Lubuutu ulwa pwililika. Oh!

<sup>74</sup> Isonde lyalekabila Kapususha, ubushiku bumo. Bena balilubile; tabacishibe cena. Batontonkenye ukuti balipuswike, lelo balekabila Kapususha. Lesa apele u Mwana, ukuba Kapususha. Mulandu nshi? Takwali nangu umo uwakucicita. Takwali umuntu pe sonde, takwali umuntu mu Muulu, nangu kumo, uwali uwalinga ukucicita. Lesa akupikile nacisungu, aimite no kufyala u Mwana u Muntu. Kibili ulyo Mwana u Muntu tali uwa ci Yuda nangu umwina Fyalo. Aali ni Lesa, ukumonekela mu mubili, Umo fye eka uyo wingalubula. Mulopa Wakwe eutupususha. Mulopa Wakwe ultuposha. Ni ulya u Mulopa uo ifwe twingemininapo, ku bulayo ubuli bonsé ubo Ena apele. Lesa alaile ukucicita.

<sup>75</sup> Lesa akumanishisha fye kapepa ukupitila mu Mulopa, na pe samba lya Mulopa. Israeli alikwete icifulo cimo icakukumanishapo Lesa. Te mu...Lesa alikwata Icifulo

cimo, ileelo, ico Ena—Ena akumanishishapo kapepa; te pali ba Methodisti, Baptisti, nangu Pentecosti. Ena abakumanya pesamba lya Mulopa. Iyo e ncende fye yeka iyo Lesa akwata; te mu kabungwe, te mukwampana. Lelo mu Mulopa emo Yesu Kristu akumanya kapepa Wakwe. “Ilyo Nkamona u Mulopa!” Iyo enshila yakwa Lesa iyapelwa.

<sup>76</sup> Panuma ilyo ichalichi cashininwa umupwilapo, ilyo ba Mumwene, ukutila Ena ali ni Messiya!

<sup>77</sup> Ilyo umwanakashi umunono pa cishima, ilyo alekabila Kapususha, alekabila icintu cimo ukulangisha. Alilepo ku chalichi ne fintu fimbì ifyashala, kibili balimwenepo ici cishilano na cilya icishilano, mpaka, ena apilibukile kukuba cilende. Camupilibwilile ukuba uwapa musebo. Ubushiku bumo, aleya mukusenda imbeketi ya menshi, nalimo lebeni koloko mukasuba, kibili palya paikela u Mwaume; umu Yuda pamulu apa, pali aka akanono akakumwenapo. Kibili ena atile...

<sup>78</sup> Ilyo aile mukubika imbeketi yakwe palya apakutonsela, pakutapa amenshi, aumfwile u Mwaume atila, “we Mwanakashi, Ndetylako amenshi.” Kibili atile...

<sup>79</sup> Apilibwike mukwangufyanya, nokumutontonkanya Ena ukubafye umu Yuda yawe yawe, pantu Alifye umuntu ukulingana nge fyo umubili wali. Ali Muntu; alelya, alenwa, alesendama, ngefyo tucita. Ena ali muntu nganshi ukutila kuti Afwa nokufwa, nangu cali ifyo Ena ali ni Lesa. Nomba tulesanga, ukutila ilyo...

<sup>80</sup> Atile “Telutambi kuli imwe mwe ba Yuda ukwipusha abena Samaria ifintu ifya musango ifyo.”

<sup>81</sup> Atile, “Lelo nga walishibe Uo ulelandako, iwe kuti wanomba Ine icakunwa.” Atile, “Kabiye usende umulume obe no kwisa kuno.”

Atile, “Nshakwata umulume.”

<sup>82</sup> Atile, “Iwe wasosa icishinka. Iwe wakwata basano, kibili naumo uo uleikala nankwe nomba te obe.” Cinshi cacitike? Lesa apele icintu cimo kuli ena.

<sup>83</sup> Atile, “Mukwai, Ndemonia ukutila Muli Kasesema. Ifwe twalishiba ukutila ilyo Messiya akesa, Ena akatweba ifi fintu. Filya efyo Akacita. I Cebo efyo cisosa. Ifwe tulelolela cena. Nintendwa no kunaka palwa fintu fyonse ifi, ifisumino fyabo ne fintu, aba Fariseo, aba Saduke, nabena Herodi, conse ico cingaba. Lelo twalishiba Messya aleisa, ilyo Akesa. Cinshi ico Imwe musosa pali cena?”

<sup>84</sup> Atile, “Nine Ena.” Amen! Lesa alipele inshila. Ashile umutondo wa menshi, umwanakashi uwapilibulwa, no kubutukila mu musumba, kibili atile, “Iseni, mumone u Muntu Uyo uwanjeja ifintu ifyo Nacita. Bushe uyu te Messiya?”

<sup>85</sup> Petro, ukumfwa ku lyashi lyakwa Andrew, kibili inshita ishingi balikutike, aumfwile Andrew ukulanda pali Yohane ukulangisha Messiya, no Muntu, kibili na fyonse ifi fintu ukucitika. Cali ica nkama conse kuli Petro. Lelo ubushiku bumo aishile na Andrew, mukumona Yesu. Kibili ilyo afikile ku Cinsio cakwa Yesu, Yesu aloleshe pali ena kibili Atile, “Ishina lyobe niwe Simoni, kibili niwe mwana Yona.” Lesa apele inshila kuli Petro ukumona ifyo Ena Aali. Ena ali ni ulya Messiya.

<sup>86</sup> Nomba tulesanga ukutila, ukutila panuma ilyo Yesu afwile, nokuya mu Muulu, i Chalichi calekabila Amaka, ukupela ubunte. Lesa alibapele Pentecosti. Apele Pentecosti.

<sup>87</sup> Imyaka amakana yabili yalipita, mwe fibusa. Imyaka amakana yabili yalipita. Muli ishi nshiku shakulekelesha, twalkwata ifi fine, umuntu alingila mu mibombele ya bwina Kristu nokucipilubula Cena nakabili, ukusankanya Cena ku fisumino, ama chalichi, ifilonganino, amalyashi ya masambililo, mpaka Amaka kibili icintu icituntulu ica Mbila nsuma iyakwa Kristu cena mucine caluba. Kibili ifwe tuli pano ne Cebo icalaiwa kuli ishi nshiku sha kulekelesha, ico cili no kucitika, ico cili no kucitika; umuntu tacetekela Cena. Bena balitaluka ukufuma kuli Cena. Nga mwabepusha ukuti bena nga bena Kristu; batila, “Naba kuli *ici-ne-ci*.” Cilya tacilepilibula icintu nangu cimo. Mulingile ukuba abena Kristu mukufyalwa. Nomba natukwata icintu conse mu Babyloni nakabili, panuma ya myaka amakana yabili.

<sup>88</sup> I Chalichi ileelo lilekabila Amaka ne Cishinka, nakabili. Oh! Lesa aimishe u Mwana Wakwe, ukutila ici cingabombelwapo, pantu Atile, “Pakashita akanono kibili isonde talyaka Mone nakabili; lelo imwe muka Mona, pantu Nkaba na imwe, kibili muli imwe.” Tulesanga ukuti, mu ba Hebere 13:8, “Ena aba cimo cine mailo, ileelo, no moyayaya.”

<sup>89</sup> Tulesanga ukuti, muli Malaki 4, ukuti Ena alitulaya i Mbila mu nshiku sha kulekelesha, ico kuti ca “bwekeshapo Icicetekelo ca bantu ukubwelela kuli ba shibo nakabili.” Ena alacilaile cena, munshiku shakulekelesha.

<sup>90</sup> Ena nakabili alilaile, muli Yohane 14:12, “Uyo uwacetekela muli Ine, imilimo iyo Ncita nao akacita. Ukucila napali ici, nangu icikalamba pali ici, ifyo akacita, pantu Ndeya kuli Taata Wandi.”

<sup>91</sup> Ena alelanda ubushiku bumo. Bena batile, “Shikulu, tulangisheni icakumwenako.”

<sup>92</sup> Atile, “Iya nakuka kibili nkulo ya bucende ilefwaya icishibilo.” Ilya e nkulo iyo tuleikalamo ileelo. Atile, “Kibili Nkabapela icishibilo. Pantu ngefyo Yona ali mwifumo lya cisabi, inshiku shitatu akasuba no bushiku, efyo no Mwana wa muntu alingile ukuba mu mutima we sonde, inshiku shitatu akasuba no bushiku.”

<sup>93</sup> Cishibili camusango shani inkulo iibifi kibili iyabucende inga sanga? Icishibili ca kubuka. Kibili cilya eco twalaiwa ileelo, icishibili ica kubuka ukutila Ena acili no mweo, Ena aba cimo cine mailo, ileelo, no moyayaya.

<sup>94</sup> Atile, “Nge fyo cali mu nshiku shakwa Loti,” nge fyo twapitile muli cena mailo ubushiku. “Inshiku shakwa Loti, ni cinshi cacitike mu nshiku shakwa Loti, efyo cikaba na pa kwisa kwa Mwana wa muntu.” Ifi fintu ifyo twalilaiwa, Amalembo ayengi na yambi. Ukutaluka ku kukana senda inshita... “Pakashita akanono kibili icalo tacaka Mone nakabili. *Kosmos*, ‘umutande, inkulo ya chalichi,’ bena tabaka Mone nakabili. Lelo imwe muka Mona, pantu Nkaba na imwe, kibili muli imwe, mpaka ku mpela ya nkulo.” “Yesu Kristu cimo cine mailo, ileelo, no moyayaya.” Cena ni cinshi? Cena cishibili icapelwa na Lesa, inshila iyapelwa na Lesa.

<sup>95</sup> Abrahamu ukulolela umwana. Icishibili cakulekelesha ico amwene ilyo ukonaulwa kwa bena Fyalo takulabako, cali ni Lesa ukumonekela mu mubili wa buntu, uyo waishibe inkama sha mutima wakwa Sarah ilyo ena ali mwi tenti. Yesu atile, “Cilya cikabwela nakabili pa kwisa kwa Mwana wa muntu.” Munyina, nkashi, Nincetekela tuleikala muli bulya bushiku. Nincetekela buno e bushiku bwa bulayo.

<sup>96</sup> Imwe mulingile ukukwata icicetekelo mu fyo mulecita. Nga tamukwete icicetekelo, nga imwe mulecisenda fye mukwelenganya... Ishiwi *ukwelenganya*, ukulingana na Webster, cipilibula, “ukucita icintu ukwabula insambu.” Lelo ilyo i Cebo calaya cilya, kibili Lesa aimiinina kunuma ya cilya Cebo, imwe tamuletunganya nakabili. Imwe mulecitafye filya fine ifyo Lesa asosele ukucita, kibili Ena ali no mulimo uwa ku Cishininkisha.

<sup>97</sup> Umukalamba, uwalumbukwa, ka—kapuputula, imyaka iingi iyapitapo, Nali mumwene ilyo Nali umulumento umunono, ali ni Paul Rader. Ashimike ilyashi, ubushiku bumo, ico lyonse calikala pamo naine. Atile, “Ubushiku bumo, ifwe twaleteba inkuni.” Ali nikalepula wa mbao, kulya ku Oregon, kibili atile umukalamba wancito alimwebele ukuya pa mulu wa lupili. Alelota. Apo ali mucine cine, pali ilya nshita, ali mulya mu fishi; kibili akwete impepo, uwakaba nganshi, kibili alefwa. Bena baile kuli dokota, lelo cena cali ba mailoshi naba mailoshi ukutali, ukuya nobwato.

<sup>98</sup> Ilyo dokota talafika kulya, Paulo atendeke ukuya alepita, alelwaliakofye kibili ukulwalilakofye. Atile umukashi wakwe uwa cishinka. Atile, “Wemutemwikwa, muleya mulefita mumuputule, mulefitilako, imfifi ukwisamo.” Kibili abwekele mumubele wakukana sakanya.

<sup>99</sup> Kibili ilyo acitile, ena atile alotele, ilyo ali muli iyi mibele yakukana sakanya, ukuti umukalamba wancito wakwe amutumine mukutema icimuti cimo. Asangile icimuti, awisishe

icimuti, akomenemo isembe lyakwe muli cena, kibili akonteme ukutila enga cibula ukucimya. Alifilwefye ukucimya. Atile amaka yakwe yalipwile. Alifilwefye ukucimya. Atile, “ubukulu Bonse ubo icimuti cili, mucine kuti Nacimya cilya. Lekeni njesheko nakabili.” Kibili akotemefye nokwesha ukucimya, aculilefye mpaka amaka yakwe yonse yapwa. Aikele pansi ku mbali ya cimuti, kibili atile, “Nshishibe fye ifyo Ndi nokucita. Umukalamba wancito alefwaya ici cimuti kulya lubali ku nkambi, kibili Ndi uwanaka nganshi ukucitwala kulya.”

<sup>100</sup> Atile aumfwile i Shiwi ilya wamisha ilyo atala ukumfwapo, cali mukalamba wancito wakwe uwasosele; lelo atile, ilyo apilibwike ukumona uo umukalamba wancito wakwe ali, cali ni Shikulu Yesu. Atile, “Paulo, ni cinshi ico mulelwishishapo? Ni cinshi ico imwe bonse mubelele abakalipilapo? Mulemona yalya menshi ukupongoloka kulya?” Atile, “Mulandu inshi teti uposele fye umulando mu mumana, nokuninapo? Ukuninapo ukuya ku nkambi.”

<sup>101</sup> Atolokele pa mulando nokutampako ukupita pamulu wa mabimbi, alebilikisha pamulu we shiwi lyakwe. “Ninina pali wena! Ninina pali wena!”

<sup>102</sup> Munyina, nkashi, Yesu Kristu alilaile ifi fintu ukucitika mu nshiku sha kulekelesha. Nincetekela ukutila tuleikala muno. Nincetekela ukutila Aba cimo cine mailo, ileelo, no muyayaya. Nshishibe ifyo cena cicitike, lelo Ninina pali Cena. Nalicetekela ukutila Cena Cishinka, pantu Cena ni Mbila nsuma, inshila iyapelwa na Lesa. Ndecetekela Yena ni Mbila yakashita, inshita iyo tuleikalamo. Yena ni nshila yakwa Lesa iyapelwa. Ninina pali Yena!

Bushe tamwatolokelepo pamo na ine, ilyo tulekontamika imitwe yesu?

<sup>103</sup> Taata uwa mu Muulu, ifwe tuleya mu Bukata pa Cebo Cenu. Twalicetekela ukutila i Cebo Cenu e Cishinka. O mwe Lesa, lekeni umwaume onse no mwanakashi, muno bushiku, ukunina mukati ka Cebo, kibili ibukisheni, ilyo baleya mulya ukupita mu bulendo, kuti balapila, “Ninina pa bulayo bwakwa Lesa. Cili no kuntwala fye mu Bukata. Ni nshila yakwa Lesa iyapelwa kuli ine ileelo. ‘Yesu Kristu cimo cine mailo, ileelo, no muyayaya.’”

<sup>104</sup> Mwatile, “Pakashita akanono kibili isonde talyaka Mone nakabili, lelo imwe muka Mona; pantu Nkaba na imwe, kibili muli imwe.” Mwalitulaile, Shikulu, ifwe kuti twamumona Imwe.

<sup>105</sup> Aba Greeki balishile, pansiha imo, kibili batile, “Mukwai, ifwe tulefwaya ukumumona Yesu.” Kibili bena balipelwe lilye shuko. Kibili muno bushiku, Shikulu, tulefwaya ukumumona Imwe, naifwe. Cena kukabila kwa mitima yesu. Takuli nangu umo uwingga tala ukumumfwapo Imwe, kano fye balefwaya uku Mumona. Lyena nga aba aba Greeki balisuminishiwe ukumumona Imwe, kibili Mwalitupela inshila ifwe iya

kumumona Imwe, Imwe lyonse mulapanga inshila pantu Mwaba cimo cine mailo, ileelo, no muyayaya. Umubomfi aletele aba Greeki ku Cinsو Cenu, kibili bena bakwete ukumumona Imwe. Tupeleni ishuko limo line muno bushiku, Taata. Lekeni ifwe, nga babomfi, tulete ili bumba ku Cinsو Cenu. Kibili lekeni tumone Yesu, muno bushiku, Uyo uwaba cimo cine mailo, ileelo, no muyayaya. Peleni cena, Shikulu.

<sup>106</sup> Pususheni abaluba, Shikulu, nga kuliko umwaume, umwanakashi, umulumendo, nangu umukashana. Ilyo twamona icalo cesu ukuba icakoweshiwa nganshi naba kepaya nefipondo, nabapondamishi, kibili ukumona ububole mu calo ileelo! Kibili ukumona ububole mu machalichi, no kubamona ukulola kuli kulya ukwipaiwa kwa filonganino kulya lubali, pantu bena tabaleya munshila iya pelwa na Lesa! Baleya munshila ya cishilano cimo mucifulo ca kwisa ukupitila mu Cebo.

<sup>107</sup> Lesa, tulepepa ukutila abatuntulu, abena Kristu aba cine abafyalwa, nge fyo Nacilondolola, pakuba ifibata ifya cine, bena . . . “Impanga shandi shilomfwa i Shiwi Lyandi, umweni tashakamukonke.” Shikulu, i Shiwi Lyenu e Cebo. Iyo lyonse e nshila Yenu iyapelwa kwi Chalichi na kubantu, Cebo Cenu. “I Cebo Cenu e Cishinka.” Kibili Imwe muli Cebo. Kibili Baibele ilatweba, “I Cebo cakwa Lesa calitwa ukucila ulupanga ulwatwila kubili kubili, kalingulula wa matontonkanyo elyo na mapange ya mumutima.”

<sup>108</sup> Cinshi ico Israeli afililwe ukumona Messiya wabo, ilyo bamwene ukutila Ena ali cilya i Cebo, ilyo Alelingulula amatontonkanyo ayali mu mitima yabo? Cinshi ico bena tabacitile? Balicilwike cena ukupitila muli bakasesema, ukutila bakasesema kuti bacita; lelo ilyo mwisulo wakwa Lesa wapangilwe mu Mwana Wakwe, kibili Aikele pakati kesu, lyena balifililwe ukucimona pantu balipofushiwe.

<sup>109</sup> Shikulu, abo abakwata amenso yabo ayaisulwa, muno bushiku, lekeni tumone Yesu mukati kesu. Lekeni umuntu onse umulwele ondapwe. Lekeni ici cicipwishishishe, Shikulu, ukutila bena tabakatale, nakabili, ukufuma ino ora ukuya kuntanshi . . . lelo ukuti bakacetekela ukutila Imwe nimwe Messiya. Baleisa munshila yakwa Lesa. Abengi muli bena bali muno, muno bushiku, balefwa. Kuliko abengi muno, muno bushiku, abo nalimo abashakabe muno umulungu umo ukufuma ileelo, nga Imwe, ubwafwilisho Bwenu tabwishile.

<sup>110</sup> Nomba, Taata, Imwe muli fye no mushingamo pafyo Mwalaile. Lelo Mwalilaile ukutila ifwe tukamumona Imwe. Imwe mwalaile ukutila ifyo Mwacitile naifwe tukacita pamo. Ino e nshita. Ine cinalanda; Nincceetekela. Nalyumfwile Imwe ukusosa ifyo; i Cebo Cenu efyo cisosa. Imwe mulacishininkisha cena. Nalishiba ukutila cena cishinka. Nomba lekeni cishibikwe,

Shikulu. Cena calilembwa, nomba lekeni cicitwe, pamulandu wa Bufumu bwakwa Lesa. Ameni.

<sup>111</sup> Nshilecetekela ukuti twalaita umulongo wa kupepelwa. Ndecetekela Nalacicitila fye pano pene.

<sup>112</sup> Nibanga pali imwe abali abalwela? Nomba mwalacita... Namwikatilila ukuboko kwenu, ukupela ubunte ukuti namulwala.

<sup>113</sup> Nibanga muli imwe abalapela ubunte pa cintu cimo cine, “Munyina Branham, Ine mucine cine nshapusuka”? Bushe kuti mwaimya ukuboko kwenu, “Mpepelako”? Lesa amupale, imwe. Ico cisuma. Ico ni... Lesa amupale. “Nshapusuka.”

<sup>114</sup> Nomba, imwe mwe bacimya amaboko yenu, naimwe mwe bashacimya, “Lelo, Munyina Branham, mucine Ndefwaya ukupusuka. Cena mutima wandi. Nincetekela ukutila takuli nangu cimo icisheleko ku muntu uuli onse mwi sonde.” Ni cinshi cimbi, ni cinshi ico mwinga nonka, icingaba icikalamba ukucila ipusukilo lyenu? “Mpepelako. Ndefwaya ukupusuka.” Bushe kuti mwaimya ukuboko kwenu, mu cikulwa conse, conse, “Ndefwaya...”?

<sup>115</sup> Nibanga muli imwe abo abashapokelela u Mupashi wa Mushilo, landeni, “Ninjishiba Ningile uku upokelela Wena”? Imyeni amaboko yenu. “Nshakwata; Ndefwaya ukupokelela.” Cisuma, kuliko abanono nganshi abo abashakwata.

<sup>116</sup> Nomba, Kristu alasunga i Cebo Cakwe, kibili mufwile ukusunga icicetekelo cenu muli Ena. Ena e Cebo. Nomba, aba Hebere chapitala 4, yatila ukuti, “i Cebo cakwa Lesa,” ico cili ni Kristu. Kristu e Cebo. Imwe bonse mwalishiba cilya? Landeni, “Ameni.” [Ulukuta lwatila, “Ameni.”—Kale.] Ena e Cebo, “cimo cine mailo, ileelo, no moyayaya.” Ifyo Ena ali muli Mose, Efyo ali namuli Eliya; ifyo Ena ali muli Eliya, Aali muli Yohane; ifyo Ena ali muli Yohane, Aipwishishishe Umwine muli—mul Yesu. Kibili ileelo Ena aba cimo cine nge fyo Aali lilya, kibili Cena cicili Cebo cakwa Lesa icasesemenwa ubushiku, ico icimulenga Ena u Lubuuto ulo lusanika no kushininkisha i Cebo ca bulayo.

<sup>117</sup> Tuli pa nshita ya mpela, mwefibuswa. Yesu epo ali. Ninjishiba na mumfwa cilya.

<sup>118</sup> Nga cakutila tamwatalile mona, mu bumi bwenu, kibili tamwatalile kwata ilyano ilya kumona, takwali umuntunse nangu umo uwakwete, lelo lyonse pakashita kamo munshita mwaleumfwa imyumfwile yacine iyacikabilila? Kibili Nalikwete ukumona, Nalemona, kibili Nalemweba ukutila kena kasuba. Mwatila, “Nshishibe ifyo cicitika, lelo Ndeumfwa imyumfwile, iyapala ukukaba, kuti mwaumfwa.”

Nasosa ukutila, “Kalya e kasuba.”

“Akasuba ni cinshi?”

“Lwena lubuuto.”

“Nga ulubuuto cinshi?” Kuti conse caba icalo icipya kuli imwe.

<sup>119</sup> Lelo nga cakutila Nali mwebele ukuti Yesu Kristu naiminina pano nomba? Nga cakutila Nalimwebele ukuti Ali pakati kesu? Alicilaile. “Konse uko bibili nangu batatu balongana mwi Shina Lyandi, palya epo Ndi pakati kabo. Palya epo Ndi!” Nomba cilya ca Cishinka, kuli ine, *Ici* conse ca Cishinka, nangu Tacili nangu cimo i Cishinka. *Ici* cili ica Cishinka, nangu tacili ica cishinka.

<sup>120</sup> Nomba, nga kufika kukumipususha imwe, Acitile cilya ilyo Afwile pa Kalbale. Ukumyundapa imwe, Ena acitile cilya ilyo Ena afwile pa Kalbale. Namucetekela cilya. I Cebo citila Ena alicitile.

<sup>121</sup> Nomba icintu fye cimo ico Enga cita, nga cakuti Aliminine pano ne—ne iyи insuti, intu Ampele, kuti cabafye kushininkisha kuli imwe ukuti Ena ali ni Messiya.

<sup>122</sup> Te kufibala fya misumali mukuboko Kwakwe. Bumbi munda kuti acita cilya, ukubika ifibala fya misumali, no mulopa pacinso cakwe, ne fishlwa ne fintu. Cilya kuti cacitwa. Cilya caba. Abantu abengi balatanikwafye kwati ni Ena. Cilya te co.

<sup>123</sup> Lelo u Mweo Wakwe, cilya icali muli Ena! “U Mwana teti acite nangu cimo, mu Mwine, lelo ifyo Amona Wishi ukucita.” Wena Mweo ulya waba muli Ena, uwashininkishe. Te pa mulandu wakuti Aali mu Yuda umwanakashi umunono pa cishima a Mucetekele ukuba Messiya; pantu Ena alelingulula amatontonkanyo mu mutima wakwe, ico eca Mulengele ukuba Messiya. Ulya nga emusango Messiya aishibishe Umwine mu nshiku ishapita, ilya e yali inshila Yakwe iya pelwe ku kuilenga Umwine ukwishesibikwa. Ilya e nshila Yakwe iyapelwa, ukulingana na Malembo, iya ino nkulo. Mulecetekela ico?

<sup>124</sup> Nomba, cila umo muli imwe muno, Ndi mweni. Nindolesha uku no ku, Nshimwenemo umuntu uo Naishiba. Umuntu onse muno, uyo uushanjishiba, kibili uwishibe ukutila Nshishibie nangu cimo palwa imwe, imyeni amaboko yenu. Mumaka, ukuli konse. Uyu muntu uulele pano pali ubu busanshi, acimya ukuboko kwakwe. Ena tacinjishiba. Tapali nangu umo uwanjishiba.

<sup>125</sup> Lelo ibukisheni, Lesa alimwishiba. Lesa alimwishiba. Nomba, nga Ena ashininkisha ukutila Ali pano.

“Cena ni cinshi, Munyina Branham?” Cena cabupe.

<sup>126</sup> Icabupe ni cinshi? Icabupe ni cinshi, nangu cibefyo? Tekusenda icintu cimo no kubomfyia icintu cimo, ukusosa, “Nalikwata icabupe cabundapishi! Ndaya kunse no kundapa *uyu* umo, ukundapa *ulya* umo.” Nga kuti Nacita, Nne mucine kuti nacicita. Nomba, lelo, icabupe, kibili muli—mul... Imwe mulelwila mumbi icabupe. *Icabupe* cabafye “ifumyeni mwebene

mu nshila nokuleka u Mupashi wa Mushilo ukumubomfya.” Mwamona? Cilya e cabupe.

<sup>127</sup> Filya efyo kapyunga aba. Ena tashimikila ifyo alefwaya ukushimikila. Ena aifumyafye umwine mu nshila, cena cabupe, kibili ukuputwa kulesa, kibili ena—ena alandila ukupitila mukuputwa kwa Mupashi wa Mushilo. Ica bupe icili conse caba umusango umo wine. Nomba, ifya bupe fya bukapyunga, na fimbipo, fyaba. Kwaliba, pakubala, pa fyabupe ifyapelwa na Lesa, caba, “abakubalilapo batumwa, bakasesema, bakasambilisha, bakakumba, na bakasabankanya wa mbila nsuma.” Ayo e ma ofeshi. Ifyo e fya bupe fyesu.

<sup>128</sup> Nomba, Yesu Kristu alaile ukutila Akacita ici mu nshiku sha kulekelesha. Nga Ena acicita, nga Ena alaya cilya no kucicita, ni banga abali nokumucetekela no kumusumina Ena, muno bushiku? Imya ukuboko kobe, ulande, “Nalamusumina Ena.” Nibanga muno nomba... Natotela. Nibanga muno abashatala akubapo mukulongana nangu kumo, imyeni amaboko yenu. Mwe, mupepi na citika webumba. Nibanga abacetekele, ilyo Talacicita, imwe mulecetekela nangu cibe fyo? Lesa amupale.

<sup>129</sup> Nomba moneni. Nga Nimweba i Cishinka, Lesa ali uwashingamwa ukunjasuka ine. Ena ali no kucita. Ena alabika Ifyebo Fyakwe mu kanwa kenu kibili Fyena fila bombeka. Cilya cishinka, Fyena Fyebo Fyakwe, Cena cilingile ukucicita. “Nalitura i Cebo Candi, Tacakabwelele ibusha.”

<sup>130</sup> Nomba, nga kuti Naundapa, kuti Nacicita. Nga uwacindama, umuyashi, Munyina Upshaw uo twacilalandapo. Ulyo mwaume umukote uwaikeli kunuma kulya muli cilya icicinga, umwaume umukote uwashipa, nga Nalimundepe nga kuti Na cicita. Natendeke ukufuma pa cintamba, mu cishinka, kibili Nalipilibwiye no kumumona mu cimonwa, aleya, ale enda. Nalimwitile, ukumweba ifyo cali, kibili ilya eyali impela yacilya. Aimineima no kwenda, ukwisa kucintamba, aikete ifikondo fyakwe, panuma ya kuba icilema pa myaka amakumi mutanda na mutanda. Mwamona?

<sup>131</sup> Inshita imo ine iya bushiku, na mayo umusweshi, no mwana wakwe, kulya lubali. Natile, “Namona dokota nafwala na makalashi, kibili—kibili alibombela pa munono, umukashana umusweshi, kibili calimulenga ukuba icite ukufuma pa mukolomino wakwe.”

<sup>132</sup> Umwanakashi umukote uwafita, imwe tekuti mumwikatilile ku cintamba. Atile, “Shikulu, uluse, ulya mwana wandi!” Kibili uyu alishile, ibumba lya bakatungulula lyalifililwe nokumwikata.

<sup>133</sup> Natile, “Mayo senge, tacacite icisuma nangu cimo ukwisa kuno. Cilya tacili... Ulya ni Lesa.” Natile, “Tacacite icisuma nangu cimo ukwisa kuno. Cetekela fye.” Kibili aponene pamakufi yakwe nokutendeka ukupepa. Naloleshe mu cintu

bwingi kibili Namwene inshila, icapalako, ileya. Namwene umukashana munono uwafita necilubi mu maboko yakwe, aleya alepita munshila ilya. Kibili Naloleshe pa munono, umukashana umusweshi, ukulolekesha kunuma, kibili ali ni umo wine. Natile, “Nacasukwa.” Alimine, nokufuma mibusanshi. Mwamona?

<sup>134</sup> Ena ni Lesa. Mwamona? Ena ni Lesa. Mwamona? Ena teti... Takuli nangu umo uwingondapa. Cena cicetekelo cenu muli Lesa.

<sup>135</sup> Nomba, Baibele yatila, ukuti, “Ena ni Shimapepo Mukalamba, ino ine nshita, uyo wingekatwa nemiyumfwile ya fyakutucululusha.” Bushe mulecetekela cilya? Ni Shimapepo Mukalamba! Nomba, nga Ena ni Shimapepo Mukalamba, musango nshi Ena enga bombelamo? Nga Ena aba cimo cine mailo, ileelo, no muyayaya, Ena kuti abomba cimo cine mailo, ileelo, no muyayaya.

<sup>136</sup> Nomba pepeni, kibili lekeni Mupashi wa Mushilo nomba... Mutile kuli Lesa, “Lesa, uyu mwaume uwiminine palya tanjishiba ine, lelo ifyo Alesosa muli amano. Imwe mwaba cimo cine. Imwe nimwe Kristu. Nindwala. Ndekabilo. Kibili nga Imwe mwandekafye ine... Nga Ine nshikwete icicetekelo ca kucicita, lekeni umuntu umo uo Naishiba akwate icicetekelo, kibili lekeni cena... Imwe mwite kibili lekeni—lekeni—lekeni ine nangu ulya umuntu akumye insalu ye Laya Lyenu mu Bukata. Nomba nga ulya umuntu afumamo munshila, lyena Imwe kubomfyा akanwa kakwe ukulandilako, kibili ukucicita fye umusango umo wine Mwacitile ilyo Mwali pe sonde. Ndi nokwishiba ukutila Mwaba cimo cine mailo, ileelo, no muyayaya.”

Natukontamike imitwe yesu nomba.

<sup>137</sup> Shikulu Yesu, ukupilibuka ukufuma kukubila kwa mbila nsuma ukuya ku mulimo wa busesembo, lelo nomba Ndecetekela Imwe, Shikulu, Imwe mwalicilaya. Kibili Ndepepa ukutila Mwalacipela cena, muno bushiku. Cipeleni cena. Ngumfweni ine. Ilyo ili bumba lyalafuma muno, muno bushiku, kibili twalaya ku ng'anda, lekeni tulande nga balya abafumine ku Emmaus, “Bushe imitima yesu tayacibilimuka mukati kesu ilyo Acilalanda naifwe mu nshila?” Yesu alibukile ukufuma ku bafwa; bena tabacishibe. Bena balelanda na Ena; bena tabacishibe. Lelo ilyo Ena abengishe mu ng'anda, no kwisala icibi, nomba Ena acitile icintu cimo umusango Acicitilemo ilyo ukutanikwa Kwakwe takulabako. Cilya caiswile amenso yabo. Balimwene ukutila ni Ena. Nakabili, Shikulu, lekeni imitima yesu ibilime ilyo tuleya ku ng'anda muno bushiku, nge fyo iyabo yacitile. Pantu natwishiba ukutila Imwe na mulanda kuli ifwe mu nshila. Citeni ifintu, muno bushiku, ifyo Mwacitile

ilyo Mwali pe sonde, pantu Mwaba cimo cine mailo, ileelo, no muyayaya. Twalomba mwi Shina lyakwa Yesu. Ameni.

<sup>138</sup> Nomba beni mwipepo kibili cetekeleni fye. Lekeni tusangulule *ulu* lubali, pakubala. Te mulandu apo mubelele, mu cikulwa, cetekeleni Lesa. Ndesubila ukutila umuntu onse engaba uwamucinshi icine cine nokwikala tondolo, pepeni.

<sup>139</sup> Ici cintu icishingacitwa umupwilapo. Nacilalandu muno lucelo, ku mwikulo waba kapyunga, “icakusungusha.” *Icakusungusha* calishupa ukucetekela, “cintu cimo icashupa ukucetekela, lelo ca cishinka nangu cibe ifyo.” Namwishiba ukutila u Mupashi wa Mushilo cuti waimininna pano no kulanda icintu cimo muli lilye bumba, ku bantu abo Nshaishiba, cena cuti caba icakusungusha. Cena cintu cimo icishingalondolowa. Nshishibe ukutila Ali no kucita. Ndesubila fye ukutila Ali no kucita, ukucetekela ukutila Ali no kucita.

<sup>140</sup> Nomba pepeni fye, no kusosa ukutila, “Shikulu Yesu, Ndefwaya ukwika ilaya Lyenu, kibili Ni—Ninkwata icakukabila. Ndemilaya Imwe, Shikulu, Ndi—Ndi no kumubombela Imwe mu mweo wandi bonse.” Lesa alefwaya imwe ukulapila. Nga tamuli abalapila; lapileni, soseni, “Ndefwaya ukulapila, Shikulu. Ndefwaya Mung’undape ine. Ndefwaya Mumpale ine. Ng’undapeni nomba Shikulu. Ndi mubomfi Wenu.”

<sup>141</sup> Naciba no... Bushe mwacipela ama kadi ya kupepelwapo ileelo? Naciba fye no kwipusha Billy nga cakuti... Nga tacicitile, ine cuti Naita umulongo wa kupepelwa. Lelo bena tabapele ifitupa fya kupepelwapo ileelo. Ikalenifye na katina, cetekeleni.

<sup>142</sup> Nomba, mwi Shina lyakwa Yesu Kristu, Nasenda umupashi onse muno mubutungulushi bwandi, ku bukata bwakwa Lesa, pakutila i Cebo Cakwe cingalengwa ukwishibikwa, ukutila pa Bushiku bwa Bupingushi tatwakakwate umwa kulesesha.

<sup>143</sup> Nomba lolesheni kuli ulu lubali, no kucetekela nomba. Pepeni no mutima wenu onse, kibili pepeni fye, no kuicefya. Mwi Cilwisha. Mube fye abatusha mwebene, nokulanda ukuti, “Shikulu, Imwe mwalipanga ubulayo. Ine nali Mucetekela.” Ico eco Ine mfwire ukucita.

<sup>144</sup> Ninjishiba nshilefwaikwa ine ukumwipusha. Nibanga abatala ukumonapo lulya u Lubuuto? Lekeni tumone. Mwalimona icikope ca Luko. Lekeni tumone amaboko yenu, abatala ukumonapo icikope ca Luko. Bushe tamulelumona Lwena palya? Mwamona, cena cifulo cimbi. Lwena luli pamulu wakwa ulya na mayo.

<sup>145</sup> Alecushiwa no bwafya bwa molu yakwe ne numa. Ena... Bushe naucetekela ukuti Lesa cuti akundapa iwe, nkashi? Cinshi ico wacikata? Iwe tawanjishiba, lelo iwe wacikata Icintu cimo. Nga Shikulu Yesu ali no kunjeba uo uli, bushe cilya calakulenga iwe ukucetekela bwino? Niwe Misisi. Phillips. Nga

ico cishinka, iminina pa makasa yobe. Cisuma. Bushe Ndi mweni umupwilapo kuli iwe? Imya ukuboko kobe nga ico cishinka. Nshatala mumonapo mu mweo wandi. Ni cinshi ico akumishe? Uye ulande kuli namayo, panuma. Ubukali bonse na bupwa nomba. Iwe uli fye bwino. Kuti waya ku ng'anda no kuba bwino.

<sup>146</sup> Uyu apa na mayo, kunuma fye yakwe kulya. Ena alecula ukufuma ku mibele ya mwenso. O mwe Lesa, nga talecita... Ishina lyakwe ni Misisi. Star. Cetekela, Yesu Kristu ali no kukulenga ukuba amutuntulu. Iminina pa makasa yobe no kupokelela ubundapishi bobe. Nga Ndi mweni kuli iwe, sunsha amaboko yobe. Ukubongoloka kobe nakupwa. Yesu Kristu nakulenga ukuba bwino.

<sup>147</sup> Cinshi ico Alaile? Alicilaile. Bushe mulecetekela?

<sup>148</sup> Kuliko na mayo uko kunuma yakwe, uwikele palya. Alepepa. Ena ali no mwenso, nakwata amafya. Alefwaya ukuleka ukupeepa fwaka. Ishina lyakwe ni Misisi. Bordon. Ima, Misisi. Bordon. Fwaka obe napwa. Yesu Kristu akulenga ukuba umutuntulu. Nshatala mumonapo namayo mu mweo wandi.

<sup>149</sup> Bushe ulecetekela? Nomba nawishiba Ine teti ncite ico. Ulya ni Yesu Kristu. Cena ni cinshi? "I Cebo calitwapo, camaka ukucilapo, ukucila ulupanga ulwatwila kubili-kubili, cilalingulula amatontonkanyo namapange yamutima." Cena Cebo, Yesu Kristu cimo cine mailo, ileelo, no muyayaya. Bushe teti mucetekele cilya?

<sup>150</sup> Apa, apa napekala umwaume apa lubali, nakwata hernia, ubwafya bwa mutima. Cilya cishinka. Nshamwishiba umwaume. Nshatala mumonapo. Lelo ena ni kapyunga. Shimapepo, Mista. Kinsey. Cilya cishinka. Bushe mulecetekela, mukwai? Iminina pa makasa yobe no kupokelela ubundapishi bobe. Yesu Kristu akulenga ukuba umutuntulu.

<sup>151</sup> Kulubali lumbi, bushe walangafwilishako, ukuba kapyunga? Bika indupi shobe pa mukashi obe, ena alecula no bwafya bwa mfyo, no bwafya bwa mabu, nokwina ukucila mucipimo, nefyakolobenkana. Bika indupi shobe pali ena. Cena calafuma pali ena, nga wacetekela.

<sup>152</sup> Ntile, kuliko umwaume uwikele kunuma yobe, ena nakupikilwa ne mfwa. Alikwata ipwalonda. Umwaume alecula no mumena, ipwalonda, ukusakamikwa. Ishina lyakwe ni Mista. Young. Cetekela nomba. Yesu Kristu akulenga ukuba bwino. Bushe ulecetekela? Bushe ulecisumina cena? Cisuma, mukwai.

<sup>153</sup> Apa napalambalala umuntu, nalambalala pano pa busanshi. Mukwai, Nshakwishiba. Nga kuti Na kundapa, kuti Nacicita cena. Ndi mweni kuli iwe. Nawisa ukufuma konse uku. Naulwisha ukwissa kuno. Iwe teti ufise ico icilubene kuli iwe; lelo teti Nkuposhe. Wishile kuno nomukashi obe. Eulya wikele palya nafwala ne koti lyakashikila. Cilya cishinka. Cisuma. Umwaume

nakupwa ne cinshingwa ca mfwā; ena teti abe no mweo lelo pakashitafye akanono nomba. Nakwata ipwalonda.

<sup>154</sup> Iwe ulecula, naiwe, nkashi. Ulecetekela Lesa kuti anjeba ico uleculako iwe? Bwafya bobe bwa numa. Cilya cishinka. Nga cilya cishinka, imya. Cisuma, ulepokelela ukundapwa kobe. Cetekela ico. Bika ukuboko kobe pa mulume obe.

<sup>155</sup> Bushe ulencetekela ukuba kasesema Wakwe, mukwai? Nga walala apo, uli uwashininkishiwa ukufwa. Teti ube no mweo. Epela fye. Ba dokota nabakufilwa. Ipwalonda lyalikulya. Nalimonapo amalwele ayakalamba ukucila pali iwe ukundapwa. Ine teti nkundape. Lelo nga uli no kusumina fye cena no kucicetekela! Bushe ulecicetekela cena? E shuko lyobefye epela. Inshita shobe ishakulekelesha shilepita. Bushe naucicetekela cena? Nga wacita, iminina fuma muli ubo ubusansi. Ima fumamo umo, mwi Shina lyakwa Yesu Kristu! Iminina pa makasa yobe nokulengwa ukuba uwawililika, no kwenda ukufuma muno, ulelumbanya Lesa. Umo muntu amwikateko palya, mwafwilisheniko. Ulya ali palya, pa makasa yakwe.

<sup>156</sup> Nibanga muno abalecetekela? Imyeni amaboko yenu. Imininem pamakasa yenu. Bonse imwe mwe balefwaya ukundapwa, iminineni, mwi Shina lyakwa Yesu Kristu. Imyeni amaboko yenu, Lesa alumbanishiwe. Mupeleni Ena amalumbo no bukata. Nomba toteleni Shikulu pa bundapishi bwenu, Yesu Kristu aba cimo cine mailo, ileelo, no muyayaya!

<sup>157</sup> Munyina, ba dokota balifilwa. Iyi ni nshila yakwa Lesa iyapelwa. Cicetekeleni!

<sup>158</sup> Nibanga abalefwaya ukusumina inshila yakwa Lesa iyapelwa? Imyeni amaboko yenu no kupela Lesa amalumbo, cila umo pali imwe, nokucetekela ukutila na mundapwa, mwi Shina lyakwa Yesu Kristu. Ameni.



*INSHILA YAKWA LESA IYAPELWA IYA BUNO BUSHIKU* BEM64-0206E  
(God's Provided Way For This Day)

Iyi Mbila na Munyina William Marrion Branham yaletelwe intendekelo mu Cingeleshi pali Cine icungulo, Akabengele Kakalamba pa 6, 1964, pa Kern County Fairgrounds mu Bakersfield, California, U.S.A., yafumishiwa muli tape iyambulwa kabilis nalilembwa ukwabulo ukulundamo mu Cingeleshi. Uku ukwilula kwa mu Cibemba kwa lembelwe no kupelwa na ba Voice Of God Recordings.

BEMBA

©2023 VGR, ALL RIGHTS RESERVED

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Icishibisho ukufuma ku mwine kalemba

Insambu shonse tashisuminishiwe. Ili buku kuti ly a lembwa pali pulinta yapa ng'anda ku kubomfy a kwa muntu pa lwakwe nangu ukupela, ukwabula amalipilo, nge cipe caku sabankanya Imbila nsuma iya kwa Yesu Kristu. Ili buku tekuti lishitishiwe, ukulembululwamo ayengi, ukubikwa pa mwela, ukusungila muli ba mashini, ukwalula mu ndimi shimbi, nangu ukuli bomfy a ku kulomba indalam a ukwabula insambu shalembwa na ba Voice Of God Recordings®.

Nga mulefwaya ukwishesibilapo nafimbi nangu ukufwaya na fimb iifyabapo, twalomba tumeni kuli ba:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)